

---

ОЛТИН ОСТОНАГА БИРИНЧИ ҚАДАМ

---

Носир Жўраев

# УЛҒАЙИШ КУНЛАРИ

*Шеърлар*



Ғафур Ғулом номидаги  
нашриёт-матбаа ижодий уйи  
Тошкент — 2008

84 (5Ў)6

Ж 96

*Ўзбекистон Ёзувчилар уюшмаси тавсияси билан  
нашр этилмоқда*

Ю 34744  
0

Жўраев, Носир.

Улғайиш кунлари: Шеърлар /Н. Жўраев. —  
Тошкент: Гафур Гулом номидаги нашриёт-матбаа  
ижодий уйи, 2008. — 32 б.

Сэмимий тилда ёзилган ҳар қандай асар ҳам бир  
ўқишда кўнгилдан жой олади. Китобга жамланган  
шеърларда муҳаббат васф қилинган. Демак, қалбни ўртаган  
кўшиқни тинглаш мароқлидир.

ББК 84 (5Ў)6

И 4702620202 - 84

M352(04)

2008

2008

2008/63

Alisher Navoiy

nomidagi

Ўзбекистон МТ

№6/34

ISBN 978-9943-03-174-6

© Носир Жўраев.  
Гафур Гулом номидаги  
нашриёт-матбаа ижодий  
уйи, 2008 йил.



## Ёшлик кундалиги

### СОҒИНДИМ

Паришонхаёлман, паришон хаёл,  
Ўзимни зор этиб сени соғиндим.  
Уч юз чақиримни олмасдан оғир,  
Кипритимда туғиб, сени соғиндим.

Қалдирғоч қаноти ўзиб шамолдан  
Келарми довондан нари — шимолдан.  
Хат-хабар бормикин, ҳайронман, лолман,  
Нафасимни ютиб, сени соғиндим.

Севгимиз шамолга, қушга боғлиқми —  
Ким берган севгига бу ном-ёрлиқни?!  
Биров ҳис қилганми бундай оғриқни,  
Жонимни оғритиб, сени соғиндим.

Сени айбга қўйиб, эҳтимол, ҳақман,  
Ахир интизорман, ахир итҳақман.  
Аммо, хаёлингда борманми, йўқман,  
Соғинишинг кутиб сени соғиндим.

## МУМКИН

Балоғат хаёл бу, балоғат сўз бу,  
Бундай ифодага фақат ишқ мумкин.  
Менга роҳат аёз, фароғат куздир,  
Сенга гул термоққа кузу қиш мумкин.

Шамоллар оқисдан келар битмайин,  
Бу ерда гулларнинг бўйлари майин.  
Ялпизим, райҳоним... ва шундан кейин  
Фақат атиргулга ботиниш мумкин.

Гўзалмас, сунбуллар анҳор бўйинда,  
Сунбуллар чиройли мрамор бўйининда.  
Сенинг ҳижронингда, сенинг кўйинингда  
Менга ҳамма бало, ҳамма иш мумкин.

Муҳаббат демишда эътиқод, дин йўқ,  
Араз йўқ, гина йўқ, шикоят, кин йўқ.  
Аmmo бу дунёда мендан худбин йўқ,  
Мени соғингани соғиниш мумкин.

## КУГДИНГИЗ

Соғиндим. Кугдингиз. Бормадим. Узр.  
Кўнглингиз олмадим кўнглидагидай.  
Хаёлида исми айганиб юрган,  
Қизлар борлигини мен қайдан билар.

Бағрини шамолга очиб йиғлаган,  
Сирларин сув юлган жабрдийдалар.

Кўзимга илмадим туйғуларингизни,  
Сизга қаролмасдан кўзим қийналар.

Хатлар остонадан ҳайиқиб хатлар,  
Ҳали ўқилмасдан йиртилган бари.  
Ёки рангли, номсиз... эсимда ҳам йўқ,  
Қизларнинг хотира дафтари.

Сабабсиз кўз ёшлар, покиза ҳислар,  
Сиздан аятаним ширин сўзларим.  
Мен қанча гулларнинг тўқдим ёшини,  
Аммо кўнглим тўлиб битта узмадим.

Елкамда тўзғийди сочлар тўфони,  
Кўксимга бош қўйиб эркаланган қиз.  
Бағримдаги оғир оғриқларимни,  
Кўксимга бош қўйиб англаёлмайсиз.

Ёлғизман. Ўксидим. Севмадим ўзим.  
Сиз билган севгига фикрим ўзгарган.  
Хўрсиниб, қўл силкиб қоламан энди,  
Мени тушларида кўрган қизларга.

## СИЗГА

Сиз ўтиб борасиз дунё беҳабар,  
Дунё этагидан ёниб боради.  
Айни замон сизга кўринмас хатар,  
Аҳли замон сиздан тониб боради.

Тушунсак бўлади, сиз моҳитабон,  
Бизнинг мусибатга қарсак чалсангиз.

Фақат манзил эди, бизга қадрдон,  
Сизнинг дарвозангиз, сизнинг дарчангиз.

Жодутар камширнинг ҳийласи каби,  
Деворлар тоғ бўлди, гул ёниб учди.  
Кимларнинг қотди-ку дийдаси, лаби,  
Сизнинг зулфингиздан қон томиб тушди.

Қандай туйғуларга бўлибман банди,  
Кўксимни ёв уриб, дилини сонуриб.  
Мени сеҳрлаган, сирлаган балки,  
Нозик кафтингизнинг иссиқ ҳовури.

Сиз кетиб борасиз олис жудаям,  
Йўлингиз беҳатар, губорсиз, чангсиз.  
Фақат мункайибди кўтаролмай гам,  
Беқадр дарвоза, ғариб дарчангиз.

## ЁҒАР

Япроғи зар олмазор,  
Тилло ёғар бошимдан.  
Севги — бир пул, дил — бозор,  
Савдо ёғар бошимдан.

Ҳар япроғи бир танга,  
Ҳар танга ишқ — аланга.  
Кўнгили ёрсам суйганга,  
Жафо ёғар бошимдан.

Сизга эмас, суйганим,  
Оғочларга суяндим.

Ёмон бўлдим, суюндим,  
Баҳо ёғар бошимдан.

Сиз деб топтаган майсам  
Қани ҳолига қайтса.  
Ўпкаламамг: “Кулмайсан...”  
Даъво ёғар бошимдан.

Япроги зар олмазор,  
Тилло ёғар бошимдан.  
Айбимни кўм, эй хазон,  
Хато ёғар бошимдан.

Куйманг, офтоб истарам,  
Мен изтироб истарам.  
Сиз истанг, хоҳ истаманг,  
Бало ёғар бошимдан.

### КЎНГИЛ БЕРДИМ

Чиройлими, йўқми, бармоқларингиз,  
Нафармонми, кўкми, тирноқларингиз.  
Менга ёқиб қолди титроқларингиз,  
Сизга кўнгили бердим, сизга, дилдорим.

Кўлингиз тиграши бекор гапмас бу,  
Ажабланарпимас ва ажабмас бу.  
Шунчаки таклифу ҳам талабмас бу,  
Сизга кўнгили бердим, сизга, дилшорим.

Келинг, муҳаббатни бир гулхан дейлик,  
Гулхан атрофида биз бўлган дейлик.

Бир севгидан дейлик, бир гулдан дейлик,  
Сизга кўнгил бердим, сизга, дилдорим.

Дилдормисиз, йўқми, билмайди ҳеч ким,  
Эҳтимол, буни фарқ қилмайди ҳеч ким.  
Дилдорим, мен эса... мен майли ҳеч ким,  
Сизга кўнгил бердим, сизга, дилдорим.

## СЕНГА ШЕЪР

Ўтминдан не келса, бариси итм,  
Майли шафқат бўлсин, майли-да зулм.  
Йигирмага кирмай, қара, севгимим,  
Тарихинг узоқ мен билган қадимдан.

Кўрдим, тамгусорлар сулоласини,  
Манглайтида ўйиқ оҳ-ноласини.  
Ўқийман деганда хулосасини,  
Чиқиб кставерар бонни ёдимдан.

Тоғларга миллиард йил берган ҳисоблар,  
Миллион йил ҳақида ёзган китоблар.  
Ҳамма ҳайқириқлар, ҳамма хитоблар,  
Кўңгамас мен сенга ёзган хатимдан.

Қанча чўққиларни денгизлар ютди,  
Тунроқлар ҳўнлади гиёҳу ўтди.  
Мана, ёзганим ҳам ўтминга ўтди,  
Яни тарих бонга муҳаббатимдан.



## БУНДАН БУЁҒИ

Жазирамаданмас, сувсизликданмас,  
Меҳримнинг кўшидан сўлган гиёҳим.  
Кеча гул деганим бугун хору хас —  
Хўрсиниб тургуси бундан буёғи.

Қуриркан ҳар қандай тўхтамас кўзёш,  
Ва лекин шунчаки йўқтамас кўзёш.  
Афеуски, тақдирни боғтамас кўзёш,  
Афеуслар қилгуси бундан буёғи.

Райҳонлар тағида яшаш бошқача,  
Бўйлари сочилса товон-бошгача...  
Аммо хокисорлардан бағри тошгача  
Бир бошдан кўргуси бундан буёғи.

Анорнинг гулини чироқ кўрганман,  
Ёғдусида қанча титроқ кўрганман.  
Бироқ сенда ундан кўпроқ кўрганман,  
Қийноқда юргуси бундан буёғи.

Менда нима дард бор, бир кун гўкилар,  
Лекин сенга қараб юрак ўкинар.  
Кулишингни кўриб йиғлагим келар,  
Йиғлашинг кулиги бундан буёғи.

## ХАЛҚОНА

Узунингни осмонга от,  
Ой бўлади.  
Ой деганлар ё шоир, ё  
Бой бўлади.

Бигта қизни севар эдим,  
Эсимда йўқ.  
Эслаганим — гўзал эли,  
Кўзлари чўғ.  
Бигта гапи кетмайди  
Ҳеч хаёлимдан:  
“Кўнгли тўла боласану  
Қўли қуруқ”.

Кукчам кутсам нуқул хазон —  
Япроқ келди.  
Юрагимни икки бўлиб  
Чақмоқ келди.  
Билмай қолдим қайдан тегди  
Менга бу дард —  
Ҳали ичмай туриб қўлга  
Титроқ келди.

Бошларимдан кумуш сочар  
Ёмғир. Бойман.  
Гул кўнглимга бошқаларни  
Боқтирмайман.  
Шу сел олсин боримни ҳам,  
Йўтимни ҳам.  
Кўнглим олган бой қизларни  
Ёқтирмайман.

Узугингни осмонга от,  
Ой бўлсин деб.  
Ой деганлар ё шоир, ё  
Бой бўлсин деб.

Сочи олтин чоғи, қошу  
Киприги ўқ.  
Битта қизни севар эдим,  
Эсимда йўқ.  
Энди унга битта гапни  
Айтгим келар —  
“Кўнгли тоза боламан-да,  
Кўлим қуруқ”.

Тилга узук нари борса,  
Ой бўлади.  
Ой деганлар зўр шоир, ё  
Бой бўлади.

## КЕЛИНГ

Гулларнинг ёнида гуллардан сўлим,  
Гулларнинг ёнида уйғонган гулим.  
Гулларнинг ёнидан ўтмайди йўлим —  
Менинг ёнимга ҳам келиб кетинг бир.

Сизга ҳаддим сизмас капалакчалик,  
Тасодиф йўлиқмас капалакчалик,  
Пешонам ёруғмас капалакчалик,  
Менинг ёнимга ҳам келиб кетинг бир.

Тебранинг, бошимга шабнамлар ёғсин,  
Кўксимдан тизгача малҳамдай оқсин.  
Бораёй десам, мендай йўқ ночор, йўқсил —  
Менинг ёнимга ҳам келиб кетинг бир.

Мағрурлик ўтмайди гулпа, чаманга,  
Мағрурлик ярашмас ранги сомонга.  
Бир яхшилик қилинг битта ёмонга —  
Менинг ёнимга ҳам келиб кетинг бир.

Шунча отриқ ёлғиз жон зиммасида,  
Не жон кўрдим, бир армон зиммасида.  
Мен ҳамма нарсадан кўз юммасимдан  
Менинг ёнимга ҳам келиб кетинг бир.

## НИЛУФАРЖОН

Нилуфаржон, айрилиқдан сўз айтсам,  
Ҳинд куйидай осон сингар юракка.  
Нилуфаржон, кўнглим эдинг, битмайсанг,  
Ким не билса, шуни тенглар юракка.

Нилуфаржон, билганим шу қорасоч,  
Қорасочки, тўлғонарли бўйнингда.  
Бармоқларим ғариблардай ухлаб оч,  
Яна муҳтож уйғонарли бўйнингда.

Нилуфаржон, гулзормилинг, ўтмидим?!  
Бир ниятта келолмадик одамлай.  
Нелар ўтди кўнглингдан, мен ўтмадим —  
Битта хаёл қилолмадик одамдай.

Нилуфаржон, сениз ҳаётим тушкун,  
Сени ўйласам ҳам ундан мушкулроқ,  
Мени қийнаб кўпроқ ёдимга тушгин,  
Фақат кўпроқ, кўпроқ...

### ЙИҒЛАДИНГИЗ...

Йиғладингиз қайғули  
Овозишиз найдайин.  
Сизга нима дей, гулим,  
Айтинг, нима айтайин.

Хазонларни тўзғитиб  
Юрганларим рост эди.  
Кўйдингиз-ку кўзғитиб  
Мен маст эдим, маст эдим.

Топиўлакка бош қуниб  
Майсалар жон берганда.  
Кўксимни кўзёни ўйиб  
Кўлларингиз слкамда.

Гапирдингиз хокисор,  
Сизга нима дей, ахир.  
Менинг бошқа гулим бор,  
Менда бошқа ўй, ахир.

Хазонбаргни ой деган  
Кузни яхши кўраман,  
Ҳечам йиғламайдиган  
Қизни яхши кўраман.

Муҳаббат деб яшар-у,  
Севиб ўлмас шоирлар  
Фаришгага ўхшар-у,  
Одам бўлмас шоирлар.

## КУТИШ

Фожеа — мен яна сизни ўйладим,  
Кўзимга ўрлади мовий ранг тугун.  
Ўзимни бир нима қилиб қўймадим  
Дийдорни жудаям кутганим учун.

Беҳамроҳ топиқиб қоларкан одам,  
Айлана — юз бора қайтиб ўтаман.  
Қароқ нам, яноқ нам, кейин тупроқ нам,  
Нега ҳатиям мен сизни кутаман?

Неча бор ўзгарди япроқлар ранги,  
Неча бор тўкилди олмаларингиз.  
Кетсангиз бўларди бенишон — машу,  
Яхшийди ёдимда қолмаганингиз.

Кунлар мезон бўлди, мезонлар хазон,  
Қўл тегмай тўкилди атиргулларим.  
Менинг иншонганим, кутганим ёмон,  
Сиз энг бешафқат қиз, шудир билганим.

## НОЗИНГ

Нозинг билан чиқишмайди жон,  
Шу юрагим — оғриган ерим.  
Лабларингдан тўқулулдай қон,  
Манглайингда тўрт қатор шеърим.

Ўйлаганинг сайин бегона,  
Унутганинг сайин қайтаман.  
Навбатдаги тушингда яна,  
Ёмон эмаслигим айтаман.

Бугун сен ўзингдан норози,  
Бугун мен ўзимдан кечгим бор.  
Илк бор ғариб чиқди овозим,  
Илк бор сенинг учун ичгим бор.

Кўнглинг билан келишмас сира,  
Қайсар дилим — оғриган ерим.  
Бир умрга номсиз хогира —  
Пенюнапгда тўрт қатор шеърим.

\* \* \*

Мап бағои сар бўлдим,  
Сан давои тан бўлдинг.  
Дарди дарбадар бўлдим,  
Сан зулфи каманл бўлдинг.

Ишқ тийғи кўксимдалир,  
Изладим ўксиб надир.  
Бағрим ёриқ, юз ёруғ,  
Сан нури шаман бўлдинг.

Райҳонсан — райи хонсан,  
Ҳоқонсан — пойи жонсан.  
Ёр, васлинг бор қатлингда,  
Зиндони чаман бўлдинг.

Кокишингни ёзмағил,  
Борлур йўшан озмоғим.  
Қайдан тошум юзингни,  
Сочлари туман бўлдинг.

Бош урмоқлик иш бўлди,  
Сигинганим ишқ бўлди.  
Манинг кўнгиғ фалакда,  
Санам бир санам бўлдинг.

## ВИДО

Ўтиб видоландим сочларингизни,  
Йиғлаб кузатдилар чувашиб излан.  
Ҳали ҳам кўзингиз очмадингизми,  
Воз кечиб кетсам ҳам энг гўзал қиздан.

Ўзини аямай ирғитар янроқ,  
Кун сайин ўзанга сингиб борар сув.  
Юзини хазонга яширар тупроқ,  
Тобора шайтонга айланар сулув.

Хотир олислайди булутдек кўчиб,  
Кўнгиғ ҳақида ўй – шунчаки эрмак.  
Сизни яна бир бор ўйламоқ учун  
Яна бир хиёнат қилишим керак.

Сизга ҳам, менга ҳам олий жазо иғу:  
Юз буриб ўтаман энг яхши қиздан.  
Кўз очиб кўрганим бўлардингиз-ку,  
Кўз юмиб бўлмайди гуноҳингиздан.



## АЙЛАНИШИ МУМКИН...

Айланиши мумкин жодугар қизга,  
Шамшир гул бўлиши менинг эҳтимол.  
Фақат сиз ва менинг масофамизда  
Ҳақиқатга айланмас висол.

Ойга ўқ узсангиз қулаши мумкин,  
Уриши ҳам мумкин пойингизга бош.  
Фақат дўст чиқмас, йўқ кўнгилинг юки,  
У оддий бир йўлдош.

Ақлга сиғади қадаҳда денгиз,  
Қайиқ қилиб кетса бўлар кулдонни.  
Фақат кўролмаيمان, тасаввур ожиз,  
Йиғлаётиб чиндан кулганини.

Тунгундим, севганим менга охираг,  
Кўрдим маъзилимни олисдан элас.  
Фақат сизга кўнгил қўйиш, соҳирам,  
Ҳақиқатдан ҳақиқат эмас.

## МАКТУБ

Унутгим келмади,  
Келмади омадим.  
Сизни эслайвердим, ёзавердим шеър.  
Шунча пайт хат ёзмай кимни аядим,  
Энди одамлар ҳам нима деса дер.

Деворга суйкашли кафтларим ночор,  
Тунчироқ нурлари кўзимга ботди.

Қандай йиғласангиз шундай беозор,  
Беозор гашириб сизни йўқотдим.

Китобнинг қайрилган вароғи хотир —  
Бизга ёқиб тушган энг гўзал байтлар.  
Биласиз, бормайман — ширин хавотир,  
Биламан, келмайсиз, хаёл бўш қайтар.

Шунча пайт гаширмай кимни аядим,  
Шунча пайт ёдимда дуоғ, бўса, гам...  
Унутгим келмади энг яхши дамим,  
Сизни эслайвердим гуноҳ бўлса ҳам.

### АРМОН БЎЛДИМ

Армон бўлдим дилнингга,  
Армон нима билмадим.  
Сен азоб еб кулдинг-а,  
Азоб бериб йиғладим.

Севлинг жонингни қийнаб  
Севилмаган қиз ўзинг.  
Дийдоримга зор дийданг  
Бугун ҳам ёлғиз ўзинг.

Юз бермайди муъжиза  
Юз бор ўтгин оламдан.  
Сен шунчаки ожиза,  
Мен шунчаки одамман.

Куйгим келмас тафтингдан,  
Жонингдан ўтгим келар.

Губори йўқ кафтингдан  
Бир тўйиб ўнгим келар.

Севдинг, сенда йўқ айб,  
Севолмаган ўзимман.  
Раҳмат кугдим сендаин.  
Мен ҳам севган ёримдан.

## ХАЙР

Хайр, жоним, ҳайропа  
Бўлма энди гапимдан.  
Ёлғиз онам гирёна  
Уйга қайтмаганимдан.

Фақат ишққа эгилиб,  
Мен агарда яшайман.  
Тош дилингга қасд қилиб,  
Тош шаҳарда яшайман.

Хайр, жоним, кўнглим тўқ,  
Сочингни бос кўксингга.  
Ўксийдиган синглим йўқ,  
Боғкўчамдир ўксингга.

Шунча қурбон бўлар кам  
Шум муҳаббат ўйинига.  
Кетмон чопсам бўларкан  
Қиз севишининг ўрнига.

Бари йўл ҳам тош бирдек —  
Тош бошимни алдайман.  
Мен ҳам ҳамма шоирдек  
Суйганимни олмайман.

Хайр, жоним, гоҳида  
Билмай йиғлаб қўймагин.  
Эслама алоҳида,  
Ўзинг билан ўйлагин.

## ДИЛ

Дил нима-ю, дил эгаси ким бўлармиш,  
Дард ортгани сайин ҳамдард жим бўлармиш.  
Олисларла қийналармиш мени эслаб,  
Бир қиз йиғлаб кўз ёшлари сим бўлармиш.

Билганим шу, кутган кўзни гард босмайди...  
Йиғлар фақат, эслар фақат, хат ёзмайди.  
Шундоқ кутиб куяверар ўзини деб,  
У қиз мендан кўнгли сўрмай аразлайди.

Чан кўксимда муштдек ёқут — мулким оғир,  
Қайғуларим оғир менинг, кулгум оғир.  
Кел, елкангдан бир қучайин, дардингни бер.  
Аммо нозик елканг учун юким оғир.

Бир хўрсинай, сочларингга шамол тегсин,  
Гул юзингни кўкрагимга томон этсин.  
Қучоғимда олиб қолай нафасингни,  
Бир нафасда бор умримни тамом этсин.

Дил ўксига сари дилдош жим бўларкан,  
Чин йиғласанг, кўз ёшларинг сим бўларкан.  
Ёлғизингдан йироқ кетсанг ёлғиз бўлиб,  
Эслаганинг қадрдон исм бўларкан.

## ҚҰШИҚ

Ёмғир ёғди йўлимга,  
Йиғладингми, гулжоним.  
Раҳм қилмай дилимга,  
Оғрийверди бу жоним.

Бўстон эди бу кўнгил.  
Осмон эди бу кўнгил.  
Шўркўрғонлик бир қиз деб  
Йиғлайверди осмоним.

Эсладинг, қийноқ бўлди.  
Бармоқлар тигроқ бўлди.  
Сочингга ёққан хазон —  
Лабларим япроқ бўлди.

Умидлари омон қиз.  
Соғинглари шинҳон қиз.  
Оқ тупроққа тўкилиб,  
Ўтиб борар армон қиз.

Майбосмиди кунларинг,  
Майбосмиди куланинг.  
Кулгин, янграсин кулгинг,  
Кўз ёшимдан унтагим.

Ёмғир ёғди йўлимга,  
Йиғладингми, гулжоним.  
Раҳм қилмай кўнглимга,  
Оғрийверди бу жоним.

Эй, ўзимдай ёмоним,  
Бир ёқимли ёлғоним:  
“Бир кун гулга тўлармиш  
Шўркўрғоннинг осмони!”

### ҚИШНИ ИНКОР ҚИЛАР...

Қишни инкор қилар гуркираб майса,  
Сукутни тан олмас баҳорий чақмоқ...  
Менда вужуд қайсар, менда руҳ қайсар,  
Мен сени севаман, Лолақизғалдоқ.

Имкон кетган кунда келган бу дардим —  
Ҳатто эслашга ҳам қолмаган ҳаддим.  
Фурсатни бой бериб, бахтли бўлмадим...  
Мен сени севаман, Лолақизғалдоқ.

Иқрордан ҳайиқдим ва ҳамон жимман,  
Балки иқрорингни кутган эдим мен.  
Шеър айтиб, ўзимни овуғмоқчиман...  
Мен сени севаман, Лолақизғалдоқ.

### ҚИЗГА ХАТ

Оғирдан оғир ҳаво,  
Пинжимга суқилади.  
Соғинаман, аввало,  
Кейин дил сиқилади.

Кўзим юмсам, кўзимга  
Ҳиссиз оқ ер кўринар.  
Булутлари тўзғиган  
Осмонлар кир кўринар.

Қанча оламлар тўсиб,  
Тик юлмаймак тушимни...  
Ҳар кун менга хат ёзиб,  
Ҳар куни йиртишимни.

Оғирдан оғир хаёл,  
Ҳаволар ҳам ғуссалар,  
Кутмаса бир гулжамол,  
Бир ёрим бор, демаса.

Юз йил совуқда яшаб,  
Қуёшни унутгандай.  
Худди керакка ўхшаб  
Яшамоқ мумкин қандай?

Севгидан майда гаплар  
Изланмайди аслида.  
Ҳақиқат бу, суйганлар  
Эсланмайди аслида.

Ўйланаман ютоқиб,  
Истайман бир хоҳишни.  
Аввал хатингни ўқиб,  
Кейин ўтга ёқишни.

### РҶМОЛИНГ ЕЛКАНГДА...

Рўмолинг елкангда. Пахта терасан.  
Боз эгат тугамас йўл кўринади.  
Шунда кўксингда бир муштинг тирасанг,  
Юрагинг бир сиқим кул кўринади.

Кафтларим теккандек титраса майса,  
Нафасим еткандек титраса майса,

Этакка юз босиб йиглаб эслайсан,  
Гўзанинг шонаси гул кўринади.

Кўнглинг хувиллайди пахтазор каби,  
Исмим айтавериб ёрилар лабинг.  
Кетганим гуноҳим, кутганинг айбинг...  
Гиёҳлар силкинган кўл кўринади.

Жоним ачишади ортта қарасам,  
Туманлар ичида ёлғиз борасан.  
Биламан, кузни ҳам ёмон кўрасан...  
Кузда қуёш нури ҳўл кўринади.

Мунисим, шу чоғда сендан ғариб ким,  
Оёгинг увишиб ўлтирасан жим.  
Сен каби мениям келганда кўргим  
Кўзимга дунё бир пул кўринади.

## БЎЛСИН

Нафасингдан уйғониб  
Кўрсам, кўнгли бор бўлсин.  
Сўзларингдан бол томиб,  
Суҳбатинг дилдор бўлсин.

Ойдан оқиб зарҳал ранг,  
Нурдай таралса оҳанг.  
Бармоғим орасида,  
Сочларинг чилгтор бўлсин.

Эрка ҳис-да, эрка лаб,  
Бир қийнасам эркалаб,



Йиғласанг доғ бидинмас,  
Кўйлагинг гулдор бўлсин.

Қачон хўрсиниқ учгай,  
Хўрсиниқдан шам ўчгай.  
Энди келмасин такрор –  
Бу роҳат бир бор бўлсин.

## ЁМҒИР

Ёмғирни севардим сени тошгунча,  
Эҳтимол, сувпараст, куйпараст эдим.  
Ёмғирдан гўзалроқ келдинг, гулгунчам,  
Ёки мен дунёга янгидан келдим.

Қай шамол уфоринг менга йўллади,  
Қайси тоза кунда сени кутгандим.  
Бунгача бунақа севги билмадим,  
Тўғриси, унутгандим.

Ёмғир. Ҳар бир томчи ерни титкилар,  
Мен эса титаман кўнглингдан ични.  
Бармоқларим куйди сочингни силаб,  
Кўзингга тик боқиб қасамлар ичдим.

Дераза ёнида иккига ҳадик –  
Иккига телбани кўрганми олам?  
Биз бундан чиройли кунни кўрмадик,  
Биз бундан бошқани истамасдик ҳам.

Ёмғир чалганмиди айрилиқ куйни,  
Манглайдан дил қадар сирғалади сув.

Гулим, мен афсуслар чекмасдан қўйдим,  
Ахир мен севгимни айтиб бўлдим-ку!

Биламан, ўшандан бери ёлғизсан,  
Ўша кундан бери юзинг қирмизи.  
Гулим, мени эслаб, совуқни сезсанг,  
Деразанг ёпиб қўй, ёмғир кирмасин.

### НИМА ДЕСАНГ...

Тасодифми, тақдирми,  
Гул бўлиб дуч келганинг.  
Лол қолдирди ақлимни,  
Меҳримга ўч келганинг.  
Икки жонга бир рипга  
Боғлангани — муҳаббат.  
Одамману фаришга  
Хоҳлаганим — муҳаббат.

Нима десанг, ўзинг айт,  
Не куйласанг сен куйла.  
Менинг жоним чиқар пайт  
Менинг жоним деб куйма.

Сочмиди бу, гулханми,  
Оёғимга ўралган.  
Бунақаси бўлганми —  
Оловдан қиз яралган.  
Тасодифни, тақдирни  
Енгил демас одамзод.  
Йиғлаш, кулиш вақтини  
Белгиламас одамзод.

Нима десанг, ўзинг айт,  
Не куйласанг сен куйла.  
Менинг жоним чиқар пайт  
Менинг жоним деб куйма.

Йиғламадинг, кулмадинг,  
Эслатмадинг тақдирни.  
Фаришгадай келганинг  
Киргизмади ақилни.  
Сочи билан танамни,  
Ёқмагани қиёмат.  
Фаришталар одамни  
Хоҳлагани – қиёмат.

### КЕЧИКИШ

*Иброҳимга*

Тўйдан қайтар иккига соя,  
Икки орзу тўйдан қайтади.  
Иккисига бир сўз кифоя...  
Ким биринчи бўлиб айтади?

Тун қўйнида сигарет тугар,  
Қоронғуда сирғалар рўмол.  
Термилишиб қанча вақт ўтар,  
Фақат сўзлаш жулаям маҳол.

Зерикади забарласт елка,  
“Уф” тортади позик бармоқлар.  
У ўйлайди: “Сўзласин эркам”  
Бу кутади: “Балки кучоқлар”.

Баҳона бир – одобдан бўлмас,  
Иккисида шу илдоодир.  
Кучмоққамас, сўзламоққамас,  
Икковиям кутмоққа қодир.

Тўйдап қайтар иккита соя,  
Икки армон тўйдан қайтади.  
Кун сайин тўй мавсум ниҳоя  
Ҳамон “ким биринчи айтади?”

Туғаб борар тўйлар мавсуми.

## КЎРГАНИМ

Кўрганим, париндон бўлти сочларинг,  
Хаёлинг париндон изимни кутиб.  
Ўзингга заркишан бўлти сочларинг,  
Ўгяпсан тақдирнинг измини кутиб.

Кўрганим, тиг теккан япроқ лабларинг  
Иккита бўлинган юракдек қондир.  
Менга ёлғон бўлсин ҳануз гапларинг,  
Майли, алдаб бўлсин, ўзингга қондир.

Кўрганим, кўзингдан ёш чиқар гоҳи,  
Майли, синиқ бўлсин бор-ку, табассум.  
Отангинг измидан чиқмай, пифлоқим,  
Бўзингдан чиқолмай қолди-ку, исмим.

Кўрганим, чеҳрангга тўймайин кетдим,  
Тўлмайин ҳам кетди бу кўнгли кабир.  
Булун ёлғиз сени тинглайман дедим,  
Ўзгдан гапирма, ўзингдан гапир.

Кўрганим, юзингда умид бор ҳамон,  
Ҳали юрагингда орзулар тўқис.  
Дил бердинг кафтимга қўйгандайин жон,  
Жонингни қаерда сақтайин, эй қиз.

Кўрганим, ранглари кетяпти гулнинг,  
Ғашга тегиб ўтар эскирган тилак.  
Сен ва мен асраган энг буюк дилни  
Ҳеч ким кўрмаяпти бизлардан бўлак.

### ҲАҲУЗ

Ҳануз ер бағридан келмади ҳовур,  
Кечикди бу сафар қалдирғочларим.  
Кўксинг ёролмади кўзимдаги нур,  
Ҳануз юрагингни менга очмадинг.

Гулларим очилди қон бағри лим-лим —  
Бир қошиқ қонини ўтинган ошиқ.  
Сен очиқ дарчага суялганга жим,  
Дейсан, алтақачон орамиз очиқ.

Очиғи, ўзингни аядинг, билдим,  
Гўёки асрадинг минг йиллик сирни.  
Мен эса аямай кўксимни тилдим,  
Манглайини очгим келди тақдирнинг.

Сенга дил очганим гулоҳим эмас,  
Кўрасан, ўзини оқлар сочларим.  
Фақат сўнгги нафас — охирги ҳавас,  
Истадим, кўнглингни менга очмадинг.

Кўнглинг оч, кўзимнинг очиқлигида.

## МУНДАРИЖА

### Ўшлик купдалиги

|                                |    |
|--------------------------------|----|
| Соғиндим.....                  | 3  |
| Мумкин.....                    | 4  |
| Кутдингиз.....                 | 4  |
| Сизга.....                     | 4  |
| Ёғар.....                      | 6  |
| Кўнгил бердим.....             | 7  |
| Сенга шеър.....                | 8  |
| Бундан буёғи.....              | 9  |
| Халқона.....                   | 10 |
| Келинг.....                    | 11 |
| Нилуфаржон.....                | 12 |
| Йиғладингиз.....               | 13 |
| Кутин.....                     | 14 |
| Нозинг.....                    | 14 |
| «Ман балои сар бўлдим...»..... | 15 |
| Видо.....                      | 16 |
| Айланиши мумкин.....           | 17 |
| Мактуб.....                    | 17 |
| Армон бўлдим.....              | 18 |
| Хайр.....                      | 19 |
| Дил.....                       | 20 |
| Кўшиқ.....                     | 21 |
| Қишши ишкор қилар.....         | 22 |
| Қизга хат.....                 | 22 |
| Рўмолинг елкангда.....         | 23 |

|                  |    |
|------------------|----|
| Бўлсин.....      | 24 |
| Ёмғир.....       | 25 |
| Нима десанг..... | 26 |
| Кечикиш.....     | 27 |
| Кўрганим.....    | 28 |
| Ҳануз.....       | 29 |

*Адабий-бадний нашр*

**Носир Жураев**

**УЛҒАЙИШ КУНЛАРИ**

*Шеърлар*

Муҳаррир *Аброр Қиличев*

Мусаввир *Олег Холодняков*

Бадний муҳаррир *Анатолий Бобров*

Тех. муҳаррир *Татьяна Смирнова*

Мусаххих *Фотима Ортиқова*

Компьютерда саҳифаловчи *Сурайё Раҳмедова*

ИБ №4712

Босишга 11.07.08 й.да руҳсат элибди. Ёғчими 70x90 <sup>1</sup>/<sub>32</sub>.  
Times гарнитураси. Офсет босма. 1,17 шартли  
босма тобоғи. 1,5 нашр тобоғи. Алди 1000 нуска.  
270 рақамли буюртма. 74—2008 рақамли шартнома.  
Баҳоси шартнома асосида.

Ўзбекистон Матбуот ва ахборот агентлигининг  
Ғафур Ғулум номидаги нашриёт-матбаа ижодий уйи.  
100129. Тошкент, Навоий кўчаси, 30.  
100128. Тошкент, Шайхонтоҳур кўчаси, 86.

Бизнинг интернет манзил: [www.iptdgulom.uz](http://www.iptdgulom.uz)